


雲南通志

流寓
仙釋
隱逸

| |
|------------|
| 內閣文庫 |
| 番號 漢 14228 |
| 冊數 40 (22) |
| 函號 圖137 3 |

廿四



雲南通志卷之第二十四

流寓

蜀道難矣而滇之行路張舍歌其尤險羈客騷
人宜罕托足焉然雍陶賈島輩接踵苴蘭豈山
川風土致足樂歟抑天地蘧廬達士之芳躅不
以萬里限也乃若孤臣放逐未卜刀環或倡道
學於荒陬或播文章於異域使過者佩其芳徽
而薰其薌澤得非名賢賁止遺跡難忘者耶不
然浣溪工部海嶠坡仙風流應久歇矣作流寓



志

雲南府

唐

賈餘絢

蜀人善屬文尤長于書初寓雲南西爨王碑其手書也

閻丘均

成都人與陳子昂杜審言齊名武后時官博士尋罷後從唐九徵為管記南中

碑碣多出其手西爨王碑其撰文也今傳有臨水亭詩云高館基層山微幕坐芳草傍對

野村樹下臨車馬道清朗娛心微幽遐備瞻討回合峯隱雲聯綿渚縈島氣似靈洲勝風

為青春好相及盛年時無令嘆衰老或云回合峯隱雲二句殆為蒼洱作但不記亭所在耳

賈島

字浪仙咸陽人能詩唐末寓雲南有送雍陶入蜀詩江山事若諧那肯滯雲南

草色分危磴杉陰近古潭日斜褒谷鳥
夏淺嵩州蠶豸自疑雙髮相逢更不堪

雍

陶 成都人唐末寓昆明有送裴璋還蜀詩
家住劍門外新年音信稀自為千里客

已送幾人歸陌上月初落馬前花
正飛離言殊未盡春雨濕征衣

明

靖江王守謙

高祖兄南昌王孫文正子洪武二
年封於桂林未幾廢居鳳陽闕七

年使居雲南賜璽書戒諭比至雲南
作書通百彝忤上意以貪暴召還

周王橐

太祖子高后出洪武十二年封於開封
建文中竄雲南已而召還靖難復封洪

熙中薨
諡日定

唐循仲

浙江淳安人長於詩洪武中父宗喜戍
滇未行卒兄凱仲例當代戍循仲憫兄

無倚願與偕行居數載兄以疾終循仲竟哀痛而歿人皆悲之

樓

璉金華人以明經歷官宣寧仁壽大治主簿藍田縣知縣廣東道御史洪武間謫

戊後詔還
有居彝稿

平

顯字仲微杭州人洪武間應孝弟力田為廣西藤縣令降主簿尋謫戍博學能文

西平侯沐英請於朝除伍
籍為塾賓著有松雨軒集

費良弼

吳興人洪武初以蘇州太守謫戍每旦振甲執戈登陴風雨罔憚西平侯沐春

禮遇之為建庖室於城舖之側以弔軍一人置饗忽數日堅臥不起西平遣人候其疾弼曰疾痛則無官車已晏駕矣後十餘日哀詔果至其精天象類如此初崇正門在西南直下羊市街弼言其不利因改闢於東尋召為博士

寇

鼎字良用偃師人年十二能詩隨父比部郎克仁戍滇後以文學舉郡庠博士不

就著有池蛙餘
響啓蒙韻畧

達

昶字光古懷慶人洪武初戍滇通經術能詩賦著有方外集

陳

謙字以遜蘇州人寓昆明別號大齋能詩有禾齋集

蘇

瑄號信庵池州人寓昆明能詩有信庵集

元

曦字載陽號畏齋長沙人寓昆明能詩

董

菩字德善號蒲石生鄞縣人寓昆明能詩著蒲石集

傅天錫

潁川人大名府知府洪武中謫昆明

曾日章

翰林學士洪武年昆明安置

陳士瑞

翰林學士洪武初謫戍寓居晉坪里子孫世居之

劉有年

字大行沅州人洪武中以明經薦拜監察御史尋辭秩養母忤旨罰輸通州站

役檢閱儀禮逸經十八篇上之命付史館建文中起知太平府有治聲靖難師至有年不

迎安置昆明與王忠文子紳道義相許黔國知其賢遣子就學常有寓軒詩曰乾坤間中

氣物各有所寓俯仰觀宇宙萬物森然具鴻鴈翔翮南蟬寄朝暮軒居悟深情於焉幾

居處嘯傲心獨閒其中得真趣後交耻平起擢按察司僉事卒於官

鄭旭

字景初閩縣人洪武二十二年以學行薦為國子堂儀上幸太學親選材德兼

備者十人以傅太子旭居第二後以蜚語謫雲南建文朝起高安學訓卒旭精心經學著

有詩經總旨初學提綱咏竹稿等書

毛鉉

浙江人翰林侍讀洪武間安置

胡粹中

楚府右長史洪武間安置

朱士林

名緜秦興人洪武間以詩累安置

汝南王有勳

櫛次子永樂中封汝南王得罪於父文皇遣至雲南居大理能詩文

所撰有無為寺記

潘仁

和州人永樂間以會試同考試官呈誤安置

李儼

字名望永樂間湖廣僉事以忤旨戍滇寓晉寧為人剛正里有爭悉質之卒以

終客

王曇

字夢雲山陰人博通經史尤工於詩正統間代父從軍雅尚儉素有古風教誨

里開子爭皆向學
所著有芸窓吟稿

劉福成

金華人善風角推步正統初從王驥征
麓川再從侯璉征貴州多所贊畫寇平

予之官不受附籍
宜良年八十餘卒

黃良卿

字延生號硯山江西人博學能詩嘉靖
間遊宜良鄉人延為師一時士大夫多

出其門

陳振琦

號二韓黃巖人博洽能詩尤精鍾繇書
法結社為文一時風雅宗之崇禎末年

任安寧州守後棄官居宜良今
鳳山之原有二韓先生墓

臨安府

明

王奎

字景常松陽人洪武初任懷遠教諭累
擢山西右叅政以事謫戍臨安博洽多

才詩文高古滇士多從之遊後召還脩高廟
實錄遷翰林侍讀永樂間陞學士有南詔王

稿堂

韓宜可

字伯時山陰人洪武間山西布政同王
奎謫戍行純篤能詩文紳士多使弟子

受學後陞都御史臨
安立二賢祠以祀

桂慎

字敬宗慈谿人洪武間以中
書舍人請戍臨安後召還

常昇

開平王遇春次子也襲封開國公抗靖
難師安置臨安尋以憂死嘉靖間念其

忠封昇裔孫元
振為懷遠侯

常繼祖

開平王之孫永樂間安置臨安携王像
以隨尋召至京賜鈔幣遣歸有子寧孫

復弘治五年錄功臣後日常遇春佐皇祖定天下有大功今其子孫降在氓隸朕甚不忍其加恩承祀乃以復為南京錦衣衛指揮使

李

灝字仲和臨川人天順間入滇至石屏與學正王驥詩文唱和給事中羅晟敬禮

之

趙友能

御史以事謫通海結茅秀山

楊明哲

清江孝廉成化間由四川丹稜教諭左遷石屏河泊益肆力于文諸生執經問

字履常滿焉所著有述古集

曹汝希

字士望華亭人成化間父安任府學訓導署寧州學事遂家焉以詩經中癸卯

鄉試終老不仕

閻

闕臨清人嘉靖初吏科給事中謫蒙自縣丞寓建水作正巳堂記後召還闕在臨

安探岩穴之勝今洞即以闕名

尹

董河南人嘉靖間任兵科給事中時楊慎以議禮謫戍董上疏諫亦被斥為太和

縣丞因寓蒙自遂家焉其後尹鴻漸尹愉咸祀鄉賢

澂江府

元

埜

喇蒙古人官右丞相逆滇萬崙江華藏寺以詩書自娛足不履城市卒葬於寺之

山半

明

張

解 河汾人元進士迪功郎洪武中因事南遷萬歲以文學名

王

昭 字仲彰潁縣人官陝西監祭御史洪武間謫戍居嶺

李彥和

長興人洪武間謫戍能詩文

李恂

彥和子工詞翰隱居教授人士重之

武定府

明

程

濟 建文時官編脩精邵子先天之學永樂初勞難兵入帝得太祖遺命落髮從水

關出濟乃易服為道人以從初入蜀未幾入滇時從亡諸臣有或去或來者有早歿者惟濟委曲翼衛歷四十載終始保全建文小疾濟乞藥以進欲構庵濟即募成之供給使命

聽順無忤常奉命迹從亡傳藏之山巖又奉使往河南視王資焦金宣德間從帝還京帝已奉入大內濟乃嘆曰今日方終臣職矣遂還滇焚庵散徒紀始末以付了空名從亡隨筆

馮

灌 黃巖人官刑部司務永樂元年從建文帝出亡後至滇止永嘉寺變姓名稱馬

二子或馬翁或塞馬先生尋奉命去十年復至滇時帝先出遊衡山訪灌灌不遇題詩寺壁云夜夢何奇特龍飛天漢津朝橫滄海曲夕過滇池濱光霏皆五色蜿蜒無損鱗淵田變化問張王藉高曼比見老補鍋來相持哭密語竟日即劇詩去帝聞灌入滇亦還至蕭寺無下見二病者即灌與黃直也俄俱死葬於寺東帝題其石曰兩忠之墓

黃直

常州人累官侍中改按察使建文帝出亡直遁遊夔慶間業補鍋人稱老補鍋

永樂七年入滇訪帝不遇候之仍執舊業偶
遇馮灌於市一見愕然相持入山哭語移日
且言此後無復相見後復與灌會於蕭
寺同病廡下帝自衡山歸見之尋死

郭

節

建文帝舊臣也變姓名號雪舫和尚因
尋帝至雲南永樂間常於振衣千仞處
出袖中一册朗誦不知何書見人至仍貯袖
中避他處每登眺盤陀石上亦取袖中册讀
之任獅山去來或
經年後不知所往

廣西府

明

李在恭

本姓游歙縣人通判游大勳孫也父游
奕基流寓師宗在恭萬里尋父因寄籍
焉改姓李中副榜丁亥年土賊執奕基在恭
罄家得百金贖父命奸人匿金不與反以無

金誑賊賊怒欲殺之在恭惶惶求免弗許
求以身代弗許遂以頭撞賊父子同遇害

大理府

唐

杜光庭

青城人寓滇以文章教蒙氏嘗書蒙國
大詔碑精妙有法卒蒙學士魯秦葬之
於王局峯麓其子死葬騰衝龍
鳳山清平官張羅疋立為立廟

鄭

回

西瀘令為南詔所獲屈節偽官其志蓋
欲得當以報唐也後說南詔歸唐

趙

康

東川人蒙氏封於趙州功
德及民土人立廟祀之

明

葉希賢

楊應能

建文時葉官御史楊官吳王
府教授建文帝將出亡發高

帝遺篋有僧牒衣具三帝與葉楊遂分牒祝髮為僧帝名應文葉名應賢楊仍名應能葉楊與程濟等終始隨帝備歷諸險以永樂七年至滇永嘉寺後徙居白龍庵帝與程濟東行留二人守庵及帝還庵為有司所毀葉楊等遂從帝遊浪穹另募構庵以居庵成程濟筮之得剝之坤濟曰剝盡而順吉也然龍戰之詞有凶永樂十年三月楊卒四月葉卒並瘞庵

金潤甫

畫史明初謫大理繪武安王廟壁大理之工畫自潤甫始

穆孔昭

不知何許人天順間居鳳羽鄉善吟咏逢人輒教以孝弟所居不蔽風雨非力

不食作竹枝詞寓化導鄉俗之意

謝廷蒞

號古溪富順人嘉靖間吏科給事中言事謫縣尉以風節稱

周良臣

湖廣人舉神童正德間聞北勝州有神童張宗楚不遠三千里訪之因寓焉

永昌府

元

脫脫

順帝時為中書左丞至正中自請出師伐徐州賊朝臣上章留行不果遂假便宜總

制兵馬破賊於徐州又破張士誠於高郵城外哈麻忌其功喉御史表賽因等劾之詔削官爵安置淮安襲伯遂曰丞相常受密旨宜一意進討且勿開詔脫脫曰是與天子抗也如君臣何遂受詔既而臺臣又論其謫輕再徙雲南之鎮西騰衝知府高惠欲事以女辭曰吾罪人也安敢念此後再徙阿輕乞之地惠發兵圍之哈麻遣使賜以鵞

明

范從文 字復之崑山人文正公十三世孫洪武

戶部總部主事以罪謫戍莊浪復改戍金齒

十年赦歸以薦為金華訓導所著有小學章

誥宗牒證遺後 齋集若干卷

姬思忠 樂亭人元參知政事洪武初歸附受監

察御史後以事編置金齒律身以禮葬

劉寅 崑縣人洪武庚戌進士江西僉事謫金

齒貨藥訓蒙所著有武經直解傷寒脉

賦標幽賦註其自銘曰少遊漳陽老滯永昌

道不遂其初志心終焉而違違研窮典籍著

述文章愧無補於名教徒取笑於大方知非

思改得善慮亡幸獲享於中壽即九原而倘

徐萬曆間巡撫陳用賓祀於會 城與漢王褒明楊慎為三賢云

高莘 山東人洪武中以起居注謫戍金齒時

武臣強橫累欲延為館賓免其從役莘

不從因令之守門終日執受乃至辱於

泥塗衣履狼籍殊無戚容其耿介如此

周志鉉 字元亮永安進士洪武初官翰林

謝咬兒 不知何許人父昇以靖難被誅

徐有貞 初名理字元玉吳縣人天順改元以迎

祝 德興儒士性耿介工詩文尤善易以罪

楊慎 字用脩新都人父廷和以無子禱於神

神以五代夏魯魯奇應之日武臣也輔以中

庸十八章遂生慎年十一擬過秦論後舉鄉
 試第三會試第二廷試第一奉命祀江濱以
 父命見揚文襄公於京口觀所藏書無不言
 言成誦慎大懼益發憤讀書武皇數遊幸慎
 上書諫不報遂移疾歸世宗繼統起慎為講
 官講尚書金作贖刑篇言大慙不可贖蓋指
 罪端張銳于經等以進金得免云會大禮議
 起慎同毛澄范總毛玉諸臣力諫又公倡跪
 門之議帝怒下慎獄十日內再杖之創甚蹙
 而復甦遂成永昌時滇之御史郭楠上疏乞
 宥議禮諸臣被詔下獄自是無敢救慎者居
 頃之安鳳變起困木密所慎戎服往援與副
 使張莪謀固守官兵與賊戰城外慎促城內
 兵開門夾攻之賊敗去安寧守欲權民鹽牛
 稅慎謂此刀錐者宜推與民軍官言濬海口
 役為利督丁夫六千入下海民苦之慎作書
 箴告當事俱報罷成溫三十五年凡兩迤郡
 縣名勝皆與其士大夫相唱和放浪湖山家

本心 著述前後歸蜀者再晚欲長歸不獲竟死
 道喪還藁葬新都北門外數百武穆宗即位
 贈光祿少卿昔毅廟問注張星曆官不能對
 以問慎慎曰柳星也世廟問喬宇鬼所四字
 慎即舉以對其後詢明第一博
 聞之士或曰慎世廟為之默然

季思友 不知何許人工於琴結庵聖泉寺時有
 紅光滿室嘗鳴琴以自樂詩云蕉尾絃
 難續思賢幾憶回不同箕子操堪比蔡邕
 絃片片黃花落聲聲柳絮飛陽關人已遠
 秋雨掩柴扉

易恒 字可久長沙人正統中至昆明復徙騰
 衝積學篤行郡人賴其薰陶善書工詩
 文有思誠稿

附節婦宋氏 金華人洪武時夫為閩州守以事
 死獄中仍籍其家妻毋皆遠戍金

齒宋能詩性孝有氣節官校押送者不敢睨視長途奉姑不少懈過盤江題郵亭壁上詠其冤苦至今見者淚下明御史陰汝登建祠永昌勒其詩於石

楚雄府

明

黃

輔巴縣孝廉成化間任南安州學正後寓廣通聚徒講學士賴淬勵卒知縣蔣哲營葬於東山

姚安府

唐

李善

江都人有雅行淹貫古今善屬辭號為書簾顯慶中累遷崇賢館直學士兼沛

王侍讀為文選註敷析淵洽表上之賜賚頗渥出為潞王府記室參軍遷涇城令生與賀蘭敏之善流姚州遇赦還

明

黃守鍾

宋黃庭堅之裔官於姚遂家焉

傑士忠

明學士傑斯之裔官於姚因卜居焉

鶴慶府

明

卓全郎

福建侯官人洪武間兵科給事中建言諫戍鶴慶禦因家焉

李文林

溫江人元末祖思忠任大理宣慰經歷父官宗遂家焉後移浪穹傳至文林偕

弟文海占籍劍川登永樂己卯科鄉試鄉俗多所化導

車文琮

臨川人父業商寓籍劍川生文琮幼勤學登鄉薦知彭山縣有廉聲卒於官郡

人士多出其門

順寧府

本朝

曹應昌

號石霞麻城人崇禎己卯解元癸未進士傳學多文父巽之明末為雲州佐卒

於順寧昌於康熙癸卯來迎觀遂寓順寧凡山水名勝多所題咏後卒於滇大理理刑楊兆傑挈其櫬歸

楊應鶚

關東人任貴陽府同知吳淦叛安置順寧大師將入滇偽留守郭壯圖恐鶚倡

衆內應於十九年除夕移檄偽將令致之死鶚遂自縊

蒙化府

明

王汝敬

字敬夫山西人寓蒙教授生徒崇尚四禮蒙俗一變其弟子舉於鄉者甚衆後

回籍成進士名重晉陽謂之山西王道學

曹學

字行之號太狂蜀人嘉靖初客遊滇西性豪放能詩草書適勁更精於畫性嗜

酒居榆之中和峯日繫錢與壺於驢背遣入城市酒人為曹之驢也取錢貯酒復遣而歸偶雪夜墜驢驢以身覆之得不死後同楊慎寓蒙居數年卒他日驢經其墓撞死于側

雲南通志卷之二十四
 三
 雲南通志卷之二十四
 三

雲南通志卷之第二十五

隱逸 方技附

堯舜在上下有巢由不事之節易所以嘉高尚也滇南山水峭清故多貞廉肥遯之士其或身際橫流而潛德韜光守經抱道斯則名可聞而身不得見抑猶有一車三逕之遺風焉夫處士虛聲仕宦捷徑君子譏之矣而考槃獨寤衡泌自甘不猶賢於趨榮而慕勢者乎若夫小道可觀聖人不廢傭書賣藥之中每有托一藝以自

隱者故址記之作隱逸志

雲南府

宋

張俞

益州郡隱士康定中上宰相呂夷簡書請先治內而後治外其論甚正

明

殷才

字育之呈貢人成化十七年遊北雍雅有匡時之志屢上書言時事如建堡以免鄉夫之勞減賦以甦泌田之困皆其條議迨歸絕意仕進躬耕自適直指使趙璧同舍生也嘗造其家才於田間揖之留款雞黍璧憐其貧意欲優贍才終不造謝人稱其高

張維

天順間人操行高潔言動不苟每於日用處體認天理隱居讀書該通六藝楊

林有蘭安寧有張焉著詩文若干卷

蘭

茂

字秀嵩高明楊林人冲澹簡遠不樂仕進讀書過目成誦耻為章句學返求六經究心關閩濂洛之微欣然有得乃區其居日止軒以著述自娛其所為詩文皆高古有深意一時學者宗之崇祀鄉賢

郭

文

字仲炳昆明人無家室買舟青草湖寢處其中嘯咏自得因號舟屋黔國公聞而造之避深蘆中不肯相見一日揮去侍從携小童幅巾斗酒移棹物色相與論詩文縱談古今訂為布衣交所著有舟屋集

李尚文

字文仲昆陽人博學能文徜徉山水嘗恨滇中乏書乃與子滄至江南構子史千餘卷歸教鄉人時寓省城自號醉樵居士

賈惟孝

字若曾嵩明人不求仕進傳聞強記工詩文尤邃於醫孝親友弟綽有古風楊升菴徐龍灣雅重之皆贈以詩所著有刺語間吟藁

康

誥

昆明人出著破靴人稱康破靴無妻子獨處一室好讀書性嗜酒有招之飲者輒至予以錢米不受善洞簫書法視允明居嘗以玉屑和泥置袖中團弄陶作硯堅潤類未央銅雀人名康硯然亦不多作間為一二以貽親識至貴介求之終不可得好事者日與之飲俟醉索之或伺其窘急出質則得之質必故交否則文人高士若富家大族雖購以重價不受也丁亥歲饑貧甚一夕飽食卒

朱

璣

字和齋隱居樂道嘗有詩云林泉深處占清幽竹杖綸巾六十秋醉裏有詩酬草木枕邊無夢到公侯牙籤插架因兒買樽酒芻藜為客留一白騎鯨蓬島去年年風雨

愁使人

邵忠

昆明人遜跡丘園常有昏夜向來曾化盜清溪老去尚留觴之句可以想其人矣

楊惟峻

字竹林昆明人傳聞強記工舉子業值沙途變喟然日可以隱矣遂絕意仕進居南郭有地數畝種竹千竿構室棲心足不履市常自題曰骨性前身香案吏頭顱半世竹林園年四十妻亡不娶終日危坐無惰容賓客至者寒溫之外無一言年七十餘猶手不釋卷卒年八十一

王琦

字王振昆明人髫年博學其父來儀每教以忠孝大義及父殉難乃隱安寧山中以詩酒自放間至城市人競邀之曰有酒即往醉甚索筆作書淋漓迥遒健類李北海書

畢竟去不顧主人得錢即買酒遊山囊無一錢亦怡然自得每出雖童稚皆知其為王振生

熊之龍

郡人字振潛少穎異卓犖有大志崇禎丙子以歲薦入京考授知縣忽發嘆曰世亂親老何以仕為遂力辭歸養築一別業居之娛親外佐以歌咏每陶然山水間與一二野老問荅言及時事輒托以醉少頃復起在飲三十餘年若不知身處何代有所著述輒焚去

楊文林

字質可昆明人以端方範後學夫婦相敬如賓人以梁孟目之每曰修身齊家四字學者於此關甚是難透明末以歲貢例授學正堅辭不出平生不飲酒喜與王玉振遊

丁焜南

字彥冲昆明人器質端潔寡言笑傳極羣籍嘗謂聖賢理學惟敬惟靜久之自有真得日惟閉戶讀書正襟危坐與兄弟相師友終其身不欲以名著

本朝

唐泰

字大來少時曾遊陳繼儒董其昌之門書畫皆臻其妙及歸放情山水巡撫錢士晉稱為雲中一鶴御史李一鵬以南中高士許之晚年隱於僧別號擔當所著有擔使集

曲靖府

明

項瑄

字國珍南寧人每遊山水輒多題咏弘治間以良知之學教後進

柴宗儒

字宗魯嘉靖初貢入太學不久歸帶經荷鋤且耕且讀所著有居易集

任良弼

性樸素嗜學不慕榮利隆慶中兵備道向淇聞其賢獎以冠帶不受人勸其往

謝惟至門一揖而退不復見

臨安府

明

濮宗達

字兼善建水人領成化四年鄉薦志尚高雅不求宦達恬靜自守絕跡公門人罕有識其面者著述藏於家未傳於世

李元初

河西縣人嘉靖庚子舉於鄉將就選親朋祖餞其父亦扶杖送不覺悲悼即隨父歸結廬於邑之曾應山終身不出

武定府

明

趙廷瑄

字仲玉昆明人生而沉靜為兒時諸兒嬉戲瑄旁坐屹然不動成童學為文輒入理與宿儒咸推服之年二十二領崇禎壬午鄉薦時中原多寇計偕半途而返曰功名身外物吾豈蹈不測而取之乎居石鼻村日與二三父老談今古軼事鄉里不知為孝廉也丁亥孫可望據滇凡科目家居者胥迫之官違則禍立至瑄曰昆明不可居矣避地祿勸山中種竹讀書二十五年

口不言世事壽七十六卒

大理府

明

李斯文

太和人躬耕不仕客有憐其貧者來訪欲以金饋知其必辭乃置金於床未曙而去斯文追送不及寘道上遙望拜謝而旋其際行與永昌楊象山齊名

楊向春

號野巖雲南縣人初為諸生習舉子業久之棄去隱深山中究邵子先天之學歷數十年盡悟其秘遂能前知所著有皇極經世心易發微格物篇諸書後遍遊名勝自稱孔道人遇袁了凡授以易學至武當不知所終

董

難字西羽太和人嘉靖間從成都楊慎游寓蕩山為樓以居輯轉注古音所著有韻譜鳳

唱集

永昌府

明

湯琮

金齒司人正統間與陶寧張志學曹遇結詩社素心相許隱居樂道以詩名

楚雄府

明

丁大訓

別號五樓山人曾隱居呂合萬曆間姚安太守李卓吾每過必訪所著作盡散失僅遺仙人骨一絕云五樓峯下紫雲關鶴馭秋風甚日還白骨不隨雞犬去只今遺蛻

姚安府

明

李

轍姚安所人成化間隱於石湖帶經躬耕不求聞達

雲南通志

卷之二十一

隱逸

六

鶴慶府

明

高北峯

逸其名萬曆間居郡之秀邑村通書史
不求聞達性耽竹石尤善琴常畜一鶴

每鼓琴鶴輒飛舞
案前曲終乃罷

李慶明

字歛齋郡人少習舉子業隨父秉彝遊
太學父卒於京以備役獲資扶觀歸葬

年二十喪妻遂不再娶肥遯林泉棲心經籍
鄉人罕見其面昆仲友愛生平無謔言躁動

鄉人至
今稱之

王世賢

字懷貞郡人少習舉子業萬曆間一試
弗利遂棄去隱居郡南山中去城百二

十里究心群籍詩酒自娛足跡鮮至城市有
監課官某者慕其為人禮延至署世賢曰聞

君之客輒從角門入此有求於君者也僕無
求於君當從中道入監課深嘆服從之一時

士大夫皆
雅重焉

方技

雲南府

明

黃拱斗

字文極晉寧人性穎異多讀書旁及百
家技藝無不精究初以計偕遊京師遇

隱者授觀象之秘及歸每月預書兩場風雷
及地震妖異之事無不符合將卒先言其年

月日時通別親
識盡焚其書

陳鳳興

河南新野人受異人傳有接骨神術流
寇携入滇呼為老神僊凡賜出骨折苟

存餘息皆能醫治甚至易骨縫腸割肌取鐵皆人所驚見者後卒於騰越

曲靖府

唐

阿

呵 馬龍納垢酋之後隱居山谷撰爨字如蝌蚪二年始成字母一千八百四十號

曰噠書爨人至今猶習之占天時人事亦多應驗

閉珊居集

雷益烏蠻也精卜筮之學其法用竹四十九枝或以雞骨代之占算輒應

臨安府

明

闕

仁 字靜齋通海人幼業儒旁通醫理邑中有少年持茶花行秀山中本無他恙仁

遇之令其速歸歸果不起彼父兄請其故荅曰耳色青小腸已斷其奇驗類如此

鍾士昌

字汝樸通海人敏慧絕人善書畫及北遊兩都筆墨益妙天啓間試畫品中書

鶴慶府

明

李德麟

郡人精方脈能治奇疾遠近就醫者屢滿戶外會洱河東有窶人求治麟飲之

半載方瘳不責報後麟以他事過洱東見渡口船將發趨欲同舟有婦傾水濕其衣方怪

之夫出則前窶子也驚曰此再生我者也叩首攀留止宿未幾前舟覆麟獲免人謂陰德

所致

麗江府

元

麥宗

通安州磨笄人生七歲知文字及長凡吐蕃白蠻諸種書契無不通曉兼識鳥

語彙中稱
為奇人

鹽士昌

雲南鹽池人天啓間補西昌中書

雲南通志卷之第二十六

仙釋

滇西可達葱嶺上世摩騰竺曇時遊斯地故其俗尚浮屠更兼巖壑幽奇餐松茹木者咸相托焉若欲盡紀之殆將脫腕腐毫矣今

聖人在上戶習詩書家遵孔孟其有溺於二氏者方

欲斥而遠之又何斤斤然納諸載籍為雖然人苟厭俗薄塵希心世外似猶賢於背法滅理之所為是以明太祖有言佛老之教陰翊王度非

無謂也今擇其尤者而畧載之以見五雲之下原有此一宗派耳作仙釋志

雲南府

唐

道清 郡人楊氏子精研內典有苦行感現觀音大士遠近化之蒙氏號融通大義法

師化日有彩雲出火中舌根不壞色若蓮花

覺印 號脫空戒律精嚴母亡盧墓刺血寫經學道于五臺飛錫滇池結茆以居名曰

樂道晚歸五臺沐浴焚香而逝三日異香不散焚處獲舍利數百產芝三莖

元

蓮峯禪師 名宗照劔川段氏子祝髮受具遍歷諸方了達祖乘至正間游晉寧東山

謂似曹溪遂建盤龍寺居焉一日沐浴書偈云三界與三途何佛祖不遊不破則便有能破則便無擲筆而逝門人塔全身於寺師以八月十七日生至今中秋滇人禮之

大雲 不知何許人或云少以義經登進士君長安邸中夢大士拊其背曰子於空門

大有宿緣覺而白光滿室香氣襲人因棄官禮天覺和尚祝髮遊天臺山習止觀晚年入滇棲三泊大雲山創華嚴寺因號大雲緇流聞風屢滿蘭若元統間還大都不知所終

無照 曲靖晉魯吉人父仕元生照於安寧離襁褓即冥目跌坐髻年依本郡虎丘寺

雲崖薙髮後詣天目謁中峯本明言下契悟嗣臨濟二十世還曲靖構菴棲息菴有龍湫墮葉觸波必遭風雨照安禪制之龍徙去遂即其地創正法寺尋入昆明梁王建佛嚴寺

於太華山以居之示寂後得舍利纍纍於靈骨門人建塔寺左

明

劉真人

名淵然贛州人年十六師趙元陽授大丹訣能呼致風雨洪武間被召擢右正

一永樂初遷左正一尋謫滇居北山龍泉觀洪熙初召還賜號長春真人

邵真人

名以正昆明人神采秀發超然物表師劉真人盡得其秘被召歷至靈演法左

正一賜號弘濟真人

楊用廣

號雷谷餘姚人遇異人得五雷法永樂初以事戍宜良祈禱輒應年八十餘有

少容一日謂門人曰三日後雨雪吾脫塵凡矣至期果然

梁道士

不知何許人居易門有道術易門艱于泉梁以蠟為三龍置隙地俄湧三泉其

上泉之龍只一目今泉中魚亦一日又有廟在石澗山梁檄神一夜移之

徐道廣

昆明人幼從蔣日和學五雷法遂精其術每戲書一符於小兒掌中戒固握至

僻地則開雷隨掌出羣兒日求之亦不以為異真慶觀有崇廣除之一夕謂人曰予將逝

矣沐浴而逝嘉靖中封雷霆都吏

布張

昆明人有異術嘗為一嫗作預修齋嫗持所寫文示張一見盡焚嫗曰書此數

日矣今卒然何以辨此張曰具十筆視一夜可成嫗潛窺見十人皆同貌五鼓書畢張於

逆神時伏地不起趨視惟衣冠在地而已後又有人數見焉直指使以為妖欲收之乃趨

黔國公家乞白布一丈坐其上令兩徒掖之走少頃抵安寧黔國請其術張畫門於壁以

手叩之門啓中有宮室甚麗黔國疑不入俄而無有其幻異類如此嘗欲以術傳僧鐵峯

峯不受遂示蛻於陞山之虛
凝菴鄉人復遇張於大理

提脚道人

姓各不傳萬曆初至滇住北郭外龍
王廟以繩提左足趾而行狎狂笑謔

人不能測天明入城乞食晚歸其所有
思窘之日未晡即欲閉門道人已至

兩終歲不滌亦無垢又時至蓮花池吐腸出
洗一夕至塚間化去葬廟側滇人有遊武當

者遇於南岩宮衣
服顏貌如舊云

劉士寬

江西人幼而目盲年十八遇異人以金
鏡投之遂明因授其術年八十餘自蜀

入滇齒髮不衰入夜篝燈兀坐不睡其談尊
生以養氣為至年九十忽見數輩入稱青城

山使者迎為觀主遂逝是日太平寺僧夢寬
取著十餘斤且言欲入蜀僧異而訪之始知

寬
死

羅國珍

安寧人崇禎間以敗木破瓦架屋於丞
安橋側日拾暴骨瘞之遇人輒令念佛

父亡廬墓哀毀骨立其未死前數日往辭州
守曰某日道人欲回去人強其顛至期黎明

坐橋中念佛聞郡往觀有讚其生西方
者國珍顛足曰即此便是言訖而逝

張善信

通海人寓安寧因誦經有省後遇異僧
攜至天竺示以蓮臺善信見為火坑不

敢渡僧貽土一撮水一瓶以歸久之大悟宗
旨居二十餘年化去人取土塑像傾水於地

遂滿甘泉
至今不竭

永亨

字道隆昆明人住山三十餘
年頓悟宗旨化後舍利無數

雲山和尚

昆明人幼祝髮精戒律宣德間召至
京演善提妙義授僧錄司左覺義遣

歸大學士金幼
夜作詩送之

古庭

昆明丁氏子七歲出家禮慈宗名善賢復禮栢巖改名善堅御史張公見而奇

之曰此子三十年後當佩祖印隨入金陵謁無隱令看萬法歸一話晝夜參求忽闕圓覺

經至身心俱幻遂劃然自釋再走金臺返滇省乃頓然曰目前境界非我之雷死去生來

安可息也復遊貴州尋入蜀脇不至席心地發明師年正二十三耳正統中參無際受印

記傳臨濟二十三世號古庭旋歸滇開堂歸化寺法侶雲集弘治六年示寂塔全身於寺

東所著有山雲水石集

淨

輪號大巍郡人俗姓康得法古庭唱無際宗風成化中卓錫都城創萬福寺道法

大振別號竹室有竹室集

真

圓參無際得法居會照寺每入定嘗至數日父母歿廬於墓側示寂日預知其期

明太史楊慎為著松風菴記

豁

渠姓鄧內江人年十二遇異人授以無為之旨長為諸生復棄去一日玩壇經有

省聞道川拈金剛經頌瑩然明徹及入青城山耳邊嘗有報將然事者語同參玉峯峯曰

修行被鬼神勘破乃落靜境耳時有內監邀渠供養至之夕內監夢神責云汝以劣相妄

希大道覺而告之渠遂辭蜀入滇至大理李中谿館於三塔寺為落髮因寄玉峯云太湖

落髮一佛出世以渠初號太湖也晚益超悟嘗謂在雲南所得是相外消息在嶺南所見

是相內光景再抵武陵參道林於村落中凡宇內名山無不遊歷後不知所終

如慧

號寶峯蜀賈也入滇以五利起家已而變起室中遂祝髮於大德寺禮佛三十

載履跡穿石直指李柄親叩法要遠近來謁者無虛日慧不勝煩乃攜徒無礙入伏牛山

臨化作偈遺徒謝衆而逝

段頭陀

晉寧人朱顏白髮狎狂市中每食松栢葉有叩者輒為囁語時出一二言根極

微妙偶過南關指市塵云某處至某處當火既而武定難作如其所指

大千

河南人崇禎初任淨蓮寺山苦無水師拜經百日泉忽湧出值嚴霜烈日嘗晏

坐山野間有飯之者隨多寡輒盡或數日不食亦不饑按姜思睿延與語甚契禮敬之

曲靖府

唐

阿闍黎

段姓人呼段長老驅龍不事符牒凡請禱輒應人有口遠方來迎者第令先往

其人抵家彼已先在坐矣

明

鏡中長老

正統間住真峯寺苦行四十餘年夜常以念珠撒地一一探之仍指貫成

串竟夜不寐侍者問何苦如是曰不苦不真吾以伏魔耳一夕有盜入室勒取衣鉢欣然

與飲食遣之比曉尚旋遠廊廡間相率膜拜還其物乃慰之歸後以建寺卜地得一龍潭

祝曰爾龍借我地爾亦有功次日泉果遷于山巔今泉酒樹杪繞寺廊焉

所庵

各真澄郡人張氏子年十五慕玉龍發光和尚思見之適園中柿熟欲取作供

甫登樹遽墮地昏昏如夢中赴光座下光曰汝事辦否曰辦及甦猶仆墮處遂悟生死不

在色身裏乃禮光受五戒年十八謁古梅于曲江為薙染且令遍參天下澄至北都歷參

諸宿久之至于佛寺依徧融多所發明遂嗣融後嘗出世住五臺復遷難足

朗目大師

滇人天啓初得法於嶽禪師次參徧融蒙印可浮沈衆中居桐城金谷巖

晚誦華嚴經三十年忽曰佛祖寧爲一家設乎遂出世旋請藏歸住曾照寺建藏經閣于

若瀛王元翰皆有送師迎藏序

大千

大同人七歲出家來滇居曲靖王龍菴年五十矣夜誦經虎嘗守戶後百歲無

疾而逝

本朝

航海

字濟洲孔氏子幼不茹暈二十得度戒行高潔通宗門要旨開律堂於覺照菴

遠近宗之康熙十五年八月初四日集衆示偈云虛空非大我身非小要知面目明月皎皎端坐而逝

臨安府

明

姚成

郡人少孤磊落不喜章句慨然慕冲舉術人勸之娶不應俄遇異人飲以酒香

氣馥郁仰觀天表若有所見遂能言風雨陰晴及休咎事雜以滑稽人咸異焉手搦一芭蕉葉四時皆有青色又晨起戲爲人致書

燕邸比暮持手札而歸居無何失其所在

王盤

通海人日與羣兒嬉戲元夜以一竹竿令羣兒閉目騎之風聲盈耳至一大郡

銀花火樹駭人心目夜半歸謂之日遠往江南觀燈耳後不知所終

風搖頭

姓各無考弘治間至石屏蔽廬垢席坐臥不常狂呼嫚語人不能測有問者輒

搖頭因呼風搖頭一日湖內有船欲覆乃以手作扶掖狀遂得濟人異而尋之不知所往

楊善哉 明末寓雲龍山一佛殿傍居嘗裸體或數日不食或一日數食間一看書每冬

浴澗中夏日圍爐人問道輒云善哉善哉故人以此名之居三載遊府城會菴寺先日云

將歸去次
早告寂

溫成 號大機魯人參禪見性居指林寺化時年一百二十

衍成 號鐵船居接待待時精專戒律有偈曰鐵船坐苦海蝦蟆上樹枝若能悟此理便

是出塵時壽
八十二而化

畔富 新興人幼不茹葷依天常寺受戒遊通海陟秀山相水脉乃於東北石筍叢起

處以杖穿之水隨下洩
化後門人建塔於其處

法建 通大乘能詩文正德間為石屏諸天寺主號悟機和尚沐浴端坐而化

廣度 姓曾名倬郡人領雲南甲子鄉薦仕盧溪令棄官歸號卓然子閱教典有省遂

祝髮住香林水月兩寺萬曆庚子遊峩着會陀諸勝至杭聞蓮池主法席往依之從前疑

滯渙然水釋辭歸道出盧溪邑人以舊令挽留居數日云逝期至矣及期別衆而化黔撫

郭子章
為之誄

慧心 號妙空通海馬氏子祝髮秀山不識文字惟及觀冥坐嘗禮觀音大士十年如

一甲感甘露灌頂之異遂通諸經過目能誦遇禱雨默然危坐靈雨應之後至省城建第

竹寺
居焉

洪度 姓李名宗望萬曆甲子舉於鄉仕原武令尋歸祝髮於高嶢之太史祠遷任天

目山化日其徒問曰師今西歸有何倚度振聲曰我自念佛於爾何與遂趨寂

武定府

明

補鍋匠

無姓名不言以啞子稱永樂間常憲獅山往來村落間業補鍋有從學者不崇

謝但令負担前行數載人不識也一日于前門外獅山道上揀柴枝作三字云要南下卷

然而逝土人異之收棺未葬越三日屍不見傳啞子又在省城補鍋

雪舫和尚

永樂時嘗於振衣千仞處朗誦咏嘆人以爲梵典也就探見袖中一冊不

知何書和尚見人至輒貯袖中避他處深秋薄暮每登眺盤陀石上亦取袖中冊讀之住

獅山或經年去遂不知所往

邊

遁

正德間人住獅子山土婦鳳氏往謁不爲禮且曰汝不修當爲廁重矣鳳怒夜

遣人刺之至則爲巨人所縛雞鳴更使往視亦被縛懇請於遁乃以法釋之因拂衣去鳳又使人邀之業渡金沙江矣遙顧使者曰若主真當變臣俄失所在

阮氏女

元謀縣人萬曆末年生於龍海自幼茹素年十六不遠人入雷應山大樹下跌

坐而逝遺偈云生君能海了道雷應撒手歸空如如禪定

廣西府

明

唐風子

瀘人知書事父孝朝爲人傭暮則歌詠父亡走山中妻饋食不顧好與兒童戲

人以風子呼之嚴冬大雪臥石上蒸汗如雨衣敝以繩綴牛馬骨披焉或食鐵及瓷瓦齒聲楚楚好事者趨謁叩禱福皆不吝有時謾語又切中其隱微一日取刀刈草頂之客有

乘騎來者唐取草飼馬且曰不聽吾言故至此馬為淚下崇禎末嘗與人云滿眼皆沙又云水來矣沙難留矣乙酉以後始悟所謂沙者指定洲水指流冠耳丁亥間為卒所執逼令殺之亦至其頸白氣湧出

元江府

明

月光道人

正德間雲遊至郡結茅金鰲山麓兀坐不言日啖菜根少許如是數年忽不知所在人往覓之見壁間書一絕云壺中夜夜種金蓮劍光飛過赤霞天蓬萊此去無多路只在山人杖杖前始知其仙矣

陳羽士

嘉靖間棲東山玉皇閣神氣俊爽目光如電嘯命風雷無延晷刻郡嘗旱輿至

城中甘霖隨注居二十年蛻化去

大理府

東漢

楊波遠

時地莫考相傳為東漢人唐永徽中常騎三角青牛遊蒼洱間後遇迦葉波於三陽峯以石案設供具石長廣丈許遠以一手持之後不知所終石今存

唐

冲舉仙

栖鶴雲峯四十餘年常坐一石或時與人奕一日辭衆曰當以明日行矣次午果登石乘雲而去

壽海

姓周氏唐時南詔三年不雨南詔王請天竺神僧白湖師禱之雲佈無雨師以

竿撥雲雨隨等注不能逼及師曰汝國必有
聖人盍往求之王跡之無有或告南天祠有
一僧時在內禮拜王召不赴與師往詣乃壽
海也師見海即拜王驚問對曰吾師也王問
何處曰其額上有五字印王遂禮敬之師因
請於海願得雨救民海曰昔湯旱七年以身
代犧六事自責天乃雨此人君有道格天之
驗今王殺及無辜天地閉鬱不知悔罪何從
得雨王乃悔懼誓
不害民已而果雨

道安

河東險人住大常寺嘗欲建浮屠有洪
水自蒼山漂木石至王遂成羅筌島有
蛟為害及安建寺於上害遂息化之夕室有
毫光五彩及茶毘頂骨現庵室利伽訶阿六
梵字人以寶瓶盛其骨化為
水或謂為文殊大士應身云

惟中

姓張氏傳荷澤正派建法真
中自是衲子知有曹溪矣

李賢者

俗呼李買順唐南詔重建崇聖寺時賢
者為司厨侍者寺殿成南詔王謂眾曰
殿中三像以何為中尊眾未及賢者厲聲
曰中尊是我王怒其不遜流之南甸無何坐
化甸人茶毘瘞之塚時有光商人以為寶也
啓得其骨貨之富人購造佛像其光如故王
聞而異之遂奉其像
於崇聖寺作中尊

青勝

姓楊氏每講經
時有雨花之異

施頭陀

通禪悟勤禮誦宗家以為得觀音圖
通心印其法嗣皆以道行聞于時

小澄

南詔雞足山僧也時與二僧同住一菴
澄入城乞食南詔王問其識何法門澄
答云能令死者生極樂國王令國中但有死
者請澄起棺乃付之火如此十餘年有讒其
妄者願生入棺中試之王如言屬澄至開視
則誠死矣王代懇丐活澄許之其人復甦言

所生境界與澄言同後還舊菴問食于二僧
二僧曰汝在城乞食許人不裹糧來及欲食
耶澄遂走即迦葉石門門訔然中開澄入二
僧追至門已閉矣乃大悔恨焚身門外焚處
生栢二株或謂
澄迦葉化跡也

白伽師

南詔時尊為國師時天旱饑饉師能
衣食萬眾皆取諸宅中蓋神化也

崑陽白當師

談經勸人口吐白光
時現佛像人飯禮之

張建成

喜州人唐時入覲過成都大慈寺適寺
鐘新成僧戒曰擊鐘一聲施金一兩建

成連扣八十僧驚問故曰請便張建成也僧
嘆曰佛法南矣遂為更各成化受心宗而歸

無言和尚

李氏子嘗持一鉢入定鉢內火光出
則晴白氣升則雨一日講法華經有
老人來聽聽畢乘風雷去眾驚
問之曰洱海龍也後不知所終

五代

午正和尚

住津梁寺設思平
興復曾預知之

宋

慈濟

洱海東北有危石懸立峻壁下臨深
淵濟日拜佛其上至今呼為禮拜石

元

照本

夙有慧根遍參各宿嘗詣天目謁中峯
將至峯語其徒曰當有客自雲南來汝

持鏡逐之本至見鏡曰師教我矣徒問故曰
吾名照本師令我照見本來耳徒自峯峯奇
之服勤左右者數年盡得法要歸日贈以歌
序嘗語趙松雪謂雲南三僧皆堪負荷照本
其一也

妙觀和尚

至元間人講華嚴經感金甲現像之異集楞嚴纂要註十卷又誦金剛經

有白光如輪久而不散作金剛方語集解一卷餘有華嚴心鏡元談輔翼及外集諸書皆

發明宗旨茶毘日舍利瑩然

明

芮道材

少業儒從劉真人習棲神煉氣之術曾於崑崙蛟除蒙化崇宣德初召見賜都紀

馳驛歸創棲霞觀居之尋尸解

楊

輔太和人自號存誠道人孝友慈和甘貧力學園中桂樹盤結如樓輔巢居其上

日暮季經硯水自溢母卒莖畢即隱雞足山凡二十年卒之日凡親友之家皆見其登門作別或又見於安寧道中焉崇禎壬午河西李元祺赴選得大理訓導以便道詣武當有

生來謁自稱大理府學楊輔免祺寄語於家祺許之及至下關見輔南去數呼不應抵任

問諸生方知為永樂間人因為立碑表其里曰桂樓先生故里

高

娘趙州白崖川張魯勝家婢嘗以一白猪自隨一日猪化為象乘雲上升

陶真人

名浚瀾滄人性廉勤精道術祈禱神驗不受人財忽語人云上帝召我為三天

門置簿都吏遂端然而逝

無

極名法天感通寺僧洪武癸亥走間道入觀獻白駒一山茶一上臨軒納之茶忽

開一花上喜親為詩紀之勅翰林學士奉制詩以賜厚慰遣還詩今猶存

大

空名與徹洱海人初師雞足定堂誓立禪永不坐臥後往孤鳥寺參天竺竺一令師

烙餅連燔六枚一一被訶因跏請白某作食不佳願賜指示竺曰試汝耳繼又掩關蕩山

學楞嚴於印光禪師每定三日光訊曰得法喜乎曰如是如是翹一足立至無敵斜晚住

獅子山一日報衆為別香烟既盡聞空中佛聲漸向西逝

寶月 燕人棲白崖之小玉寺每入市輒暫憩於張姓者之家因求寄居張不解月歸

語其徒大光遂逝是日張婦產一男額有頂珠左臂肉隆起如念珠痕光往視兒一見如

舊識三歲殤又生於千戶侯家狀如前甫六歲于戶令就館以待襲職兒曰我前世為僧

但願出世一觀世間人云士而為僧三日忽失所在

寶菴 大理人長身修髯始居淨土山繼入雞足歷九載每入厘市常依祠廟置瓢神

案人以食食之後至白崖忽謂衆明日虫蝗寺示寂行至塔所跌坐說偈曰吾三十年寂

而常照照而常寂奄然順化

大智 燕人行脚至白崖每至人家見雞即索食謂其多食虫蟻我為度脫一日過街

聞謝衆衆隨之至義塚地閉目端坐口吐白氣如虹遂向西而去

拜經和尚 名興宗郡人成化間住黔省永祥寺誦法華經每字一拜如此者四十年

星板為穿年七十刻期鳴鼓告衆而逝

雪軒 趙州人遊貴州永寧創庵以居題曰夢緣坐山十四年戒行高潔禮部差錦衣

舍人蕭興訪取赴京不知所終

洪如 號無住定遠人崇禎間參天童得悟開堂水目著有蒼山集苦海慈航集

永昌府

唐

無言和尚

俗姓李世為蒙氏清平官生時不哭兩手皆拳垂髻猶不能言後有僧語

其父母令造觀音像則能言像成果語拳亦隨開掌有文曰無言因以為名年十五依圓

淨法師精研律論融貫教乘手書大乘般若經千餘卷化日得五色舍利門人于棲賢寺

旁建塔奉之

道

超

段氏子童艸出家戒行清苦嘗於岩間入定有異鳥啣花麋鹿馴臥之異年四

十五示寂謂其徒曰切勿茶毘三年後當葬我于西山之陽及期啓視顏色如生衆嘆異

之遂為立塔

明

志

登

馬氏子結菴龍泉門外有盜十二夜入寢室登禪定不動盜周視左右見案上

蔬食羅列皆新炊者孟箸亦如其人數盜驚駭登徐云昨已知諸君至故囑徒預備耳勸

令飽餐仍為開說果報因緣諸妙義羣盜悔泣羅拜而出

祖

復

號立禪姓朱氏系出晉藩萬曆初遊匡廬茅山遍歷各勝尋薙髮為僧游滇至

楚雄請雨救旱民德之未幾入永昌寶臺山足不履戶者數年一夕說偈而逝

楚雄府

唐

王載元

張明亨

南詔時棲威楚之五樓山載酒峯頭狂吟長嘯時人未之

知也一夕酒酣有道人乘風而至神采煥發二子迓之曰先生能劇飲耶道人顧笑問其姓名曰無心昌道人促膝傾觴淋漓醉臥道人起別二子不能捨道人曰明年秋風起塞

上吾當再來及期二子登眺以俟四顧悽然
 遂口占云去年霜草斷人竟滿江秋水白紛
 紛猶記別離亭畔約西風塞上未逢君吟未
 罷道人至矣攜醇酒一瓢命二子飲張不善
 飲惟王子飲之道人歡甚語二子曰將得五
 樓明皎月換來一頃玻璃風又吟云帶劍飄
 然思不羣幾回揮袖拂紅塵不圖紫綬朝金
 闕獨愛青山鎖白雲蹣跚一身空世界茫茫
 四海覓知音與君不負當年約一榻清風到
 五城吟畢而起二子隨之道人命仰首視時
 則白雲在天彌空佳氣道人曰時當行矣騰
 空而上王子隨之張子踴躍無措伏地大呼
 道人曰子仙骨已成遲一劫耳張子遂化獅
 人陸之塚上流光掘視得石如水晶晁夜慶
 曰吾功行尚缺當以骨救瘡瘻試之果効遂
 名仙人骨云後有謂昌無心乃呂字也遂指
 閻關難名
 曰呂閣

元

李

賢

定遠人黑井鳳山坊舊無水賢往丐豆
 腐索之至再人曰物值幾何但水難得
 耳賢笑云何不早語我
 卽詣山叩地甘泉湧出

源

空

郡人三歲能誦佛號入薇溪山爲僧又
 遊九重巖經月絕粒一日端坐而化茶
 毘日祥
 雲幕焉

明

正

玉

廣通人嘗入定於仙羊
 山古樹下後出神去

本朝

讀

禮

號見月楚雄人崇禎間祝髮雞足遍歷
 諸方至江南華山依三昧和尚囑紹律

宗祠子雲集康
熙十五年入寂

姚安府

元

慶禪師

吾妙光寺山舊無泉師以杖卓巖谷之陰泉隨出焉

明

張三丰

寓文昌宮年餘欲去以隻鞋掛壁間長二尺題曰三丰鞋

周理

號徹甯雲南縣人十一歲入雞足禮偏周周夢青蓮生殿墀覺而理至為祝髮

聰慧絕倫參開公有省住妙峯山山有龍湫人不敢近每歲則割牲以祀理一日坐潭上水大湧溢不為動為龍說戒遂蔬祀焉崇禎甲戌偕其徒洪如叅天童及歸董其昌文震

孟皆有詩選之

鶴慶府

唐

贊陀囉哆尊者

西域僧也自摩伽國來又號摩伽陀結茅於郡之峯頂山郡地

舊為澤國贊陀欲通導莫由方徘徊岸側見女浮匏於水語陀云能呼匏至前水當得渡陀呼之不至女以為行為行力未至言已不見陀遂入山後石室面壁十年女復至曰匏可呼矣浮匏令呼之果至陀乃卓錫象眠山下擲念珠於水俄山石途開凡百餘孔水遂奔洩

明

寶山

劍川人姓張氏祝髮於雞足山持行箚嚴後行脚中州北僧藐其孺山隻足懸

